

Summire beyde Zalen/ so kommen in der Summa: Zwey
Tausent/sechs hundert/ vnd neun vnd funffzig Jahr.

$$\begin{array}{r}
 1 \ 0 \ 8 \ 7. \\
 1 \ 5 \ 7 \ 2. \\
 \hline
 2 \ 6 \ 5 \ 9.
 \end{array}$$

Dabey ist zu mercken / wie der leidige Sathan / der Er-
lügner vnd Mörder dem heiligen Ehestand vnd Menschlichen Le-
ben/ vnd allen Göttlichen Ordnungen ganz feindlich zu wider ist/
vnd offters vnterm schein grosser Freundschaft / schreckliche Blut-
uergießen stiftet/ wie David im 55. Psalm klaget vnd saget: Ihr
Mund ist gletter denn Butter / vnd haben doch Krieg im
sinn/ Ihre Wort sind gelinder denn Oele / vnd sind doch
scharffe Schwerdter. Darumb wol allen / die in Gottes
Furcht/ recht vnd schlecht auff Gottes wegen wandeln / vnd alle
Sach vnd Rach Gotte befehlen. Denn der Herr hat gre-
wel an den verkehrten Hertzen / vnd wolgefallen an den
fromen. Proverb. 11.

Das sechste Exempel / Von Absolons Auff- ruhr wider seinen Vater.

Absolon hat wider seinen Vater David einen gewlichen
Auffruhr erregt/ vnd ihn außm Reich verjaget / ist ihm aber vbel
gelungen / denn da er mit seines Vatern Volcke eine Schlacht ge-
than / hat er dieselbe verloren / vnd ist in der Flucht jemerlich
vmbkommen / 2. Samuel. Cap. 15. 16. 17. 18. 19. vor Christi Ge-
burt/ im Tausent vnd acht vnd vierzigsten Jahre.

Wie lang ist es von dar/ biß auff das Tausent/ Fünff hun-
dert/ vnd fünff vnd achtzigste Jahr / nach Christi Geburt / in wel-
chem zum Lauben in ober Lausitz drey Brüder ihren leiblichen Va-
ter

G ij

ter